

## **Shona - Kuporesa MuMagwaro - Healing Scriptures**

**Ekisodho 15:26 Akati, “Kana mukanyatsoteerera inzwi raJehovha Mwari wenyu uye mukaita zvakarurama pamberi pake, kana mukarerekera nzeve dzenyu kumirayiro yake uye mukacheneta mitemo yose, haangauyisi pamusoro penyu zvirwere zvose zvandakauyisa pamusoro pavaljipita, nokuti ndini Jehovha anokuporesai.”**

**Dhuteronomi 7:15 Jehovha achakuchengetedzai kubva pahosha dzose. Haangaisi pamusoro penyu hosha dzakaipisa dzamaiziva muljipiti, asi achadziisa pamusoro paavo vose vanokuvengai.**

**MaPisarema 107:20 Akatuma shoko rake uye akavaporesa; akavanunura kubva paguva.**

**MaPisarema 146:8 Jehovha anosvinudza mapofu, Jehovha anosimudza avo vakakotamiswa pasi, Jehovha anoda vakarurama.**

**Isaya 35:5 Ipapo meso amapofu achasvinudzwa uye nzeve dzematsi dzichazarurwa.**

**Isaya 53:5 Asi akabayiwa nokuda kwokudarika kwedu, akakuvaldzwa nokuda kwezvakaipa zvedu; kurohwa kwakativigira rugare kwaiva pamusoro pake, uye namavanga ake takaporeswa.**

**Isaya 58:8 Ipapo chiedza chako chichabuda samambakwedza, uye kuporeswa kwako kucharatidzwa nokukurumidza; ipapo kururama kwako kuchakutungamirira, uye kubwinya kwajehovha kuchakurinda mumashure.**

**Jeremia 30:17 Asi iwe ndichakudzorera pautano uye ndichaporesa maronda ako,’ ndizvo zvinotaura Jehovha, ‘nokuti iwe wakanzi murashwa, Zioni zvaro risina ane hanya naro.’**

**Jeremia 33:6 “ ‘Kunyange zvakadaro hazvo, ndicharivigira utano nokurapwa; ndicharapa vanhu vangu uye ndichaita kuti vave norugare rwakawanda nokuchengetedzeka.**

**Maraki 4:2 Asi kunemi munotya zita rangu, zuva rokururama richabuda rino kuporesa mumapapiro aro. Uye muchabuda muchisvetuka semhuru dzabudiswa muchirugu.**

**Mateo 4:23,24 Jesu akapota neGarirea rose achidzidzisa mumasinagoge avo nokuparidza nhau dzakanaka dzoumambo uye achiporesa hosha dzose nourwere hwose pakati pavantu. 24 Mukurumbira wake wakapararira muSiria yose, uye vanhu vakuya kwaari navose vairwara nezvirwere zvakasiyanasiyana, avo vaitambudzwa namarwadzo akanyanya, vakanga vakabatwa namadhimoni, vaiva nezvipusha, nevakanga vakafa mitezo, uye**

**akavaporesa.**

**Mateo 8:16,17 Ava madekwana, vazhinji vakanga vakabatwa namadhimoni  
vakauyiswa kwaari, uye akadzinga mweya iyoyo neshoko akaporesa vose  
vairwara. 17 Izvi zvaizadzisa zvakanga zvataurwa kubudikidza nomuprofita  
Isaya zvichinzi: “Akatakura kurwadziwa kwedu kwose uye akatakura  
zvirwere zvedu zvose.”**

**Mateo 9:35 Jesu akafamba nomumaguta ose nemisha yose, achidzidzisa  
mumasinagoge avo achiparidza nhau dzakanaka dzoumambo uye  
achiporesa zvirwere zvose nehosha dzose.**

**Mateo 10:1 Akadana vadzidzi vake gumi navaviri akavapa simba rokudzinga  
mweya yakaipa nokuporesa marudzi ose ezvirwere namarudzi ose ehosha.  
(Mako 3:14,15)**

**Mateo 10:8 Poresai vanorwara, mutsai vakafa, natsai vaya vana  
maperembudzi, dzingai madhimoni. Makangogamuchira, chingopai henu.**

**Mateo 11:5 Mapofu ava kuona, zvirema zvava kufamba, vana maperembudzi  
vanoporeswa, matsi dzonzwa, vakafa vari kumutswa, uye kuti nhau  
dzakanaka dziri kuparidzirwa varombo.**

**Mateo 12:15 Achiziva izvi, Jesu akabva panzvimbo iyi. Vazhinji  
vakamutevera, akaporesa varwere vavo vose.**

**Mateo 15:30 Uye vanhu vazhinji vakuya kwaari navakaremara, mapofu,  
mhetamakumbo, mbeveve navamwe vazhinji, vakasvikovaisa patsoka  
dzake uye akaporesa.**

**Mateo 17:20 Akavapindura achiti, “Nokuda kwokuti mune kutenda kudiki.  
Ndinokuudzai chokwadi kuti dai maiva nokutenda kudiki hako semhodzi  
yemasitadhi maigona kuti kugomo iri, ‘Ibva apa uende uko,’ zvichiitika.  
Hapana chamunozokundikana kuita.**

**Mako 1:34 uye Jesu akaporesa vazhinji vakanga vane zvirwere zvakasiyanasiyana.  
Akadzingawo madhimoni mazhinji, asi akanga asingatenderi  
madhimoni kuti ataure nokuti akanga achiziva kuti iye ndiani.**

**Mako 3:10 Ainge aporesa vazhinji, zvokuti vaya vakanga vane zvirwere  
vakanga vachisundana vachiuya mberi kuti vamubate.**

**Mako 6:5,6 Haana kugona kuita zvishamiso zvipi zvazvo imomo, kunze  
kwokuisa maoko ake pamusoro pavantu vashoma vairwara uye  
akaporesa. 6 Uye akashamiswa nokusatenda kwavo.**

**Mako 6:13 Vakadzinga madhimoni mazhinji uye vakazodza mafuta vanhu  
vazhinji vairwara uye vakaporesa.**

**Mako 6:55,56 Vakamhanya nomunyika iyo yose vakatakura vanorwara  
pamaponde vachienda navo kwavakanga vanzwa kuti ndiko kwaari. 56  
Uye pose paakaenda mumisha, mumaguta kana mumaruwa, vakaisa  
varwere mumisika. Vakamukumbira kuti avabvumire kubata kunyange**

**mupendero wejasi rake, uye vose vakamubata vakaporeswa.**

**Mako 8:23-25 Akabata munhu akanga ari bofu noruoko akamutungamirira kunze kwomusha. Akati apfira mate pamaziso ake Jesu akaisa maoko ake pamusoro pake, akamubvunza akati, “Pane zvauri kuona here?” 24 Iye akatarisa kumusoro akati, “Ndinoona vanhu; vanotarisika semiti inofambafamba.” 25 Jesu akaisazve maoko ake pameso omurume uyu. Ipapo meso ake akasvinudzwa, akadzorerwa kuona kwake, uye akaona zvinhu zvose zvakanaka.**

**Mako 9:29 Akapindura achiti, “Rudzi urwu runongobva chete nokunyengetera nokutsanya.”**

**Mako 16:17,18 Uye zviratidzo izvi zvichatevera vanotenda: Vachadzinga mweya yakaipa muzita rangu, vachataura nendimi itsva; 18 vachabata nyoka namaoko avo, uye kunyange vakanwa muchetura unouraya haungavakuvadzi napaduku; vachaisa maoko avo pamusoro pavarwere, uye vachapora.”**

**Ruka 4:18 “Mweya waShe uri pamusoro pangu, nokuti akandizodza kuti ndiparidze vhangeri kuvarombo. Akandituma kuti ndiparidze rusununguko kuna vakasungwa uye kuti vasingaoni vaone, kuti ndisunungure vakamanikidzwa,**

**Ruka 4:40 Zuva rakati rodoka, vanhu vakauya kuna Jesu navose vakanga vana marudzi akasiyana-siyana ezvirwere, akaisa maoko ake pamusoro pomumwe nomumwe wavo akavaporesa.**

**Ruka 5:15 Asi mukurumbira wake wakapararira kwazvo, zvokuti vanhu vazhinji zhinji vakauya kuzomunzwa uye kuti vaporesswe zvirwere zvavo.**

**Ruka 5:17-25 Rimwe zuva paaidzidzisa, vaFarisi navadzidzisi vomurayiro, vakanga vabva mumisha yose yeGarirea neJudhea uye neJerusarema, vakanga vagerepo. Uye simba raShe rakanga riripo kuti aporese vanorwara. 18 Vamwe varume vakasvika vakatakura murume akanga akaoma mutezo parukukwe vakaedza kuti vamupinze mumba kuti vandomuradzika pamberi paJesu. 19 Vakati vashayiwa nzira yokupinda nayo nokuda kwokuwanda kwavanhu, vakakwira pamusoro pedenga vakamuburutsa ari parukukwe rwake nepamapfuriro, pakati pavanhu, pamberi paJesu chaipo. 20 Jesu akati aona kutenda kwavo, akati, “Shamwari, zvivi zvako zvaregererwa.” 21 VaFarisi navadzidzisi vomurayiro vakatanga kufunga vachiti, “Ndianiko munhu uyu anotaura achimhura Mwari. Ndianiko anoregerera zvivi kunze kwaMwari chete?” 22 Jesu aiziva zvavaifunga uye akabvunza achiti, “Seiko muchifunga zvinhu izvi mumwoyo yenyo? 23 Ndezvipiko zvakareruka: kuti, ‘Zvivi zvako zvaregererwa,’ kana kuti, ‘Simuka ufambe?’ 24 Asi kuti muzive kuti Mwanakomana woMunhu ane simba panyika rokuregerera zvivi.” Akati**

**kumurume akanga akaoma mutezo, “Ndinoti kwauri, simuka, tora rukukwe rwako uende kumba.” 25 Pakarepo akasimuka pamberi pavo, akatora rukukwe rwaakanga avete parwuri akaenda kumba achirumbidza Mwari.**

**Ruka 6:17-19 Akaburuka navo akandomira panzvimbio yakanga yakaenzana.**

**Ungano huru yavadzidzi vake yakanga iripo uye vanhu vazhinji vaibva muJudhea yose, vaibva kuJerusarema, uye navaibva kumuganhu weTire neSidhoni, 18 vakanga vauya kuzomunzwa uye kuti vazoporeswa pahosha dzavo. Vaya vakanga vachimanikidzwu nemweya yakaipa vakaporeswa, 19 uye vanhu vose vakaedza kumubata, nokuti simba rakanga richibuda maari uye richivaporesa vose.**

**Ruka 7:21,22 Panguva iyoyo Jesu akaporesa vazhinji vakanga vane zvirwere, hosha nemweya yakaipa uye akasvinudza vazhinji vakanga vari mapofu. 22 Saka akapindura nhume akati, “Dzokerai munoudza Johani zvamaona nezvamanzwa zvokuti: Mapofu anosvinudzwa, zvirema zvinofamba, vaya vana maperembudzi vanoporeswa, matsi dzinonzwa, vakafa vanomutswa uye vhangeri riri kuparidzwa kuvarombo.**

**Ruka 8:2 uye vamwewo vakadzi vakanga vaporeswa pazvirwere nemweya yakaipa vaiti: Maria (ainzi Magadharina) uya akanga abudiswa mweya yakaipa, minomwe maari,**

**Ruka 9:2 akavatuma kuti vandoparidza umambo hwaMwari nokuporesa vairwara.**

**Ruka 9:11 asi vazhinji vakazviziva vakamutevera. Iye akavagamuchira akataura kwavari nezvoumambo hwaMwari, akaporesa avo vakanga vachida kuporeswa.**

**Ruka 13:12 Jesu akati amuona, akamudana kuti auye mberi akati kwaari, “Mai, masununungurwa pachirwere chenyu.”**

**Ruka 13:32 Akapindura akati, “Endai munoudza gava iro kuti, ‘Ndichadzinga madhimoni nokuporesa vanhu nhasi namangwana, uye pazuva retatu ndichapedzisa basa rangu.’**

**Johani 5:8,14 Ipapo Jesu akati kwaari, “Simuka! Tora rukukwe rwako ufambe.” 14 Shure kwaizvozvo, Jesu akamuwanu ari mutemberi uye akati kwaari, “Tarira, wapora; Usatadzazve kuti urege kuwirwa nechimwe chinhu chakaipisisa.”**

**Johani 14:12 Ndinokuudzai kuti, ani naani anotenda kwandiri achaita zvandanga ndichiita. Achaita kunyange zvinhu zvikuru kupfuura izvi, nokuti ndiri kuenda kuna Baba.**

**Mabasa aVapostori 3:6 Ipapo Petro akati, “Sirivha negoridhe handina, asi chandinacho ndinokupa. Muzita rajesu Kristu weNazareta, simuka ufambe.”**

**Mabasa aVapostori 5:15,16 Nokuda kwaizvozvo, vanhu vakauya navairwara**

**munzira dzomumisha vakavaradzika pamibhedha napahukwe vachiitira  
kuti mumvuri waPetro ungawira pana vamwe vavo paainge ava kupfuura  
napavari. 16 Vanhu vazhinji zhinji vaibva mumaguta akapoteredza  
Jerusarema vakaunganawo, vakauya navarwere vavo navaya  
vaitambudzwa nemweya yakaipa, uye vose vakaporeswa.**

**Mabasa aVapostori 10:38 zvokuti Mwari akazodza sei Jesu Kristu  
weNazareta noMweya Mutsvene nesimba, uye kuti akapota sei nenyika  
achiita zvakanaka achiporesa vose vakanga vari pasi pesimba radhiabrori,  
nokuti Mwari aiva naye.**

**Mabasa aVapostori 19:11,12 Mwari akaita mabasa anoshamisa kubudikidza  
naPauro, 12 zvokuti kunyange nehangache pfu namaapuroni akanga ari  
pamuviri wake zvakaendeswa kuvarwere, zvirwere zvavo zvikaporeswa  
uye mweya yakaipa ikabva kwavari.**

**VaRoma 8:26 Saizvozvovo, Mweya anotibatsira mukusava nesimba kwedu.  
Nokuti hatizivi zvatinofanira kunyengeterera, asi Mweya amene  
anotinyengeterera nokugomera kusingatsananguriki namashoko.**

**1 VaKorinde 12:9 mumwe kutenda noMweya mumwe chete, mumwe zvipo  
zvokuporesa noMweya mumwe chete,**

**1 VaKorinde 12:28 Uye mukereke, Mwari akagadza pakutanga vapostori,  
vechipiri vaprofita, vechitatu vadzidzisi, tevere vaiti vezvishamiso, uye  
navane zvipo zvokuporesa, navanobatsira vamwe, vaya vane zvipo  
zvokufambisa basa, uye navaya vanotaura nendimi dzakasiyanasiyana.**

**VaFiripi 2:27 Zvechokwadi akanga achirwara, uye akapotsa afa. Asi Mwari  
akava nengoni naye, uye kwete kwaari oga asi kwandiriwo, kuti ndirege  
kuva nokusuwa pamusoro pokusuwa.**

**Jakobho 5:14 Kuno mumwe wenyu anorwara here? Ngaadane vakuru  
vekereke kuti vazomunyengeterera nokumuzodza mafuta muzita ralshe.**

**1 Petro 2:24 Iye pachake akatakura zvivi zvedu mumuviri wake pamuti,  
kuitira kuti isu tife kuzvivi tigorarama zvakurarama; namavanga ake imi  
makaporeswa.**

**3 Johani 1:2 Mudikani shamwari, ndinonyengetera kuti uve noutano  
hwakanaka uye kuti zvose zvikunakire kunyange sokufara kwomweya  
wako.**